

YOARO TSINANE SHAANI

Peerani otimaveitani tsinane, ijati ojime yaniiveeti. Impoiiji iroori omishitacaró ora maaviqui, oneaquero onenqueveetacaró.

Ari meeca yora ojime, ijataque yaniiveeti, apaniro yojocanaquero ijina. Ari ijatanaque, capichaji osamanitanaque, irosati oneantavacari yora shaani, isoquijapaaque, soquire. Irosati oshiantavetanaca, yoijavetanacaró, iraavaquerome, irosati ovancapitsatantavetanacari jenoqui, ora ichaquivatiyetiri ojime. Ari ocajemavetari ojime:

—Jei, jei. Caateve yoca shaani, irotaintsi irayena.

Impoiiji yora ojime, tecatsi inquemanteari. Jataque arejiqui, omanaqueri otishi. Ari meeca ishaáviijitanaque yora catsirincaiteri, irosati amatsecantanaca. Ojitaque ari oshianaque. Oparianaque, ishianaca, irosati yaantavacaró shepi. Iquisheavaquero onejiqui, yoamaaquero. Ari ijataque icamantaitiri pashini, yapatsajeitacaró, yoajeitacaró, yaajatitaquero iraja. Ari itsoncaquero, ari meeca imoreaajeitaca. Tecatsi inquenaje irijataje anta inchatoshiqui, quematsomonteni. Ari yora ojime iroaquera ipocaji anta, yoirincajaro otishi. Impoiiji iquenqueshireapaaca, icanti:

Irointiquea ora pashini oshinto, te ineavaque-roji oshianaca, ocamantiri iri. Ari ojataque tsiteniriqui oshianaca tic, tic. Ari nianqui oton-quotavajari iri. Ari ocantiri:

—Apa, iquitsoreaquero oqui ina mamaro, onea-nataqueri. Oquemaqueri ineaque, ocantiri: "Mamaro caate pinquitsoreitero oqui noshintojaniqui, iraacani incaaranqui". Ari ipeaca, noquemiri ineanatapaaquero.

Ari ijataque, ineapaaquero, te aneajeroji oqui. Ivesaantenaroquitaca oni. Ari jentsiquerota yaaquero itivine, aisati yora ivira ishintorite. Aisati yaayetanaqueri ishimate, yora iquitsaveitari. Ari icantiro irishinto:

—Noshinto, tsameya pijivate pishiye.

Ari ojivatanaque oshianaca, aanaqueri yora ivira. Impoiji ishianaca iriori iri. Icaantanaca, tic, tic, tic. Ari nianqui iquemiro otinaanaca, pocaque oijataqueri. Ocajemapaaque, joo, joo, joo. Irosati ishiasanotantavetanaca catsini, iquemiro quempejitapaaque, irotaintsi areetavaqueari. Ari yojocanaqueri ivira ishinto-rite, aisati itivine, ishimate.

Maaroni yojocacotanaqueri, ishimate itsarate-qui. Ari meeca ishianaca toncaariqui, ari imao-reapaaque. Impoiji iquemiro areetacaro,

Ariorica pinicapinitero oca inchatoca, eiro
picoiteaveetajitsi.

Ari meeca ipaqueri quireequi 99 mil soles,
ipinataqueriri oca yamanantaqueri inchatoca. Ari
icantanaqueri:

—Meeca oncarate pinicapinitero oca inchatoca
oncarate quitaiteri mavani pinicapinitero.

Ari yacanaqueri iriori, icantiri:

—Jaa, ario, noquemaquempi.

Iquenaitaque yoca pimantaquerori, ishianaca
anta arejiqui nampitsiqui.

Impoiji meeca yoca ocaratapaaque quitaiteri
mavani quitaiteri. Ari icanti:

—Ariove namenaitero oranqui namanantaqueri-
ranqui inchato. Jaampa icantaquenaranqui
paquenarori: "Oncarataquerica mavani quitaiteri,
ario pimpoque piniquero oca nopaquempirica inchato.

Ari ipocaque iriniquero. Yareetapaacaro,
aree. Yamenapaaquero oca inchato. Ari icanti:
"Jaa, intsiatsi noniquero".

Yaitaro inicaquero nicac, nicac. Inatiiri
iparianaque quireequi cien soles, cincuenta soles
maaroni ipariayetanaque. Ari icanti:

—Ariove meecaquee meeca, eiro nocoiteavee-
tajitsi, aisati eiro notaroajaatanotajitsi.

Meeca te noncoiteaveetajeji aitaque nairiri
quireequi aca. Ariorica nompishaacotitajeri itia
novooroteca, ario naaque quireequi oshequi catsini.

Ari yacanaqueri iriori, icantiri:

-¿Queario, ishitaacotiri quireequi pivoorote?

Yacanaqueri iriori, icantiri:

-Jee, queario. Te nontseiyaaaji, queariota-
sanotaque. Tsamete ampisheiterita itiaca
novooroteca.

Ari ipisheitaqueri itia. Ineatiiri yaaqueri
quireequi. Oshequi yaaque iitsoqui quireequi.
Ari icantiri yora itsipatacari:

-Pineaqueri, pitseencavetaquena. Meeca,
oshequi naaque quireequica.

Ari yoonijaaqueri quireequi. Icantiri:

-Jeriqueti pameneriqueti yoca quireequica.

Ari icantashiretanaca yoca shirampari:

"Quearioteemi yoca icantaquerica paitaniquea
te impooviritajeji irinti. Aitaque yairiri
quireequi aca ivoorotequi".

Ario meece inebetacoracari ivoorote. Ari
yamanaqueri, icantiri:

-Pimpajenarive pivoorotera, naajerita narori.

Yacanaqueri iriori, icantiri:

-Teeve, eiro nopimpiritsi. Iriotaquenea
nashi narori, naantapinitari quireequi.

Ari yoca yoitacotacari, yamanaqueri ivoorote.

—Pimpenarive, pimpenarive.

Ario meeca ishemacaajari aisati, icantiri:

—Jaa, pinintirica pamanaquenari novooroteca aitaque nompaquempiri. Iro cantaincha pimpavaque-nata quireequi S/.15,000 noshinetantanaqueaririquea ari nopaquempiri.

Yacanaqueri iriori, icantiri:

—Aitaque nompinataquempiri quireequi 15,000. Te noncantashitempiji pimpenari pivooroteca.

Ari ipaqueri yoca ivooroteca. Yaantacari quireequi S/.15,000 ipaqueri yoca ipinataqueriri ivoorote.

Impoiiji meeca yaanaqueri quireequica, iquenaitanaque, ishianaca arejiquinta. Impoiiji meeca oshequi iquimoshiretanaque yoca shirampari, icanti:

—Ariove, meecaquea meeca eiro nantaveetajitsi ovaantsi. Aitaquenea naaque yoca vooroca, oshequi ishitacotiri quireequi.

Ari iquenaveitaca irameneri anta ishiticacotirinta anta ishitapinitanta yoca vooro. Icaantanaca yaniitanaque tic, tic, tic, tic, tic. Ari yareetacaro anta ishiticacotirinta ivoorote.

Ari ipisheitavetapaacari anta itiaquinta vooroca, pishe, pishe, pishe. Tecatsiite irineaque quireequi.